

7 8  
O R A T I O  
A N N I V E R S A R I A

In THEATRO Collegii Regalis  
M E D I C O R U M  
*L O N D I N E N S I U M ;*

Ex HARVÆI Instituto,

Habita Die 18<sup>o</sup> OCTOBRIS, 1737.



*L O N D I N I :*

Apud GEO. STRAHAN, sub signo Pilæ Aureæ è  
regione Excambii Regalis.

---

M. DCC. XXXVII.

О Т А Р О

А И К И В Е С А И А

in Toulon College Library

М И С О К И А

К О В А К И А

Е К А С Т Е И

И П О К И А



А О К И А

К О В А К И А

Е К А С Т Е И

И П О К И А

DOCTISSIMO VIRO

THOMÆ PELLET, M. D.

PRÆSIDII Dignissimo,  
SOCIISQUE ORNATISSIMIS  
Collegii Regalis Medicorum;

HANC

ORATIONEM

Pro more editam,

Eâ quâ par est Observantiâ,

D. D.

*Jacobus Monro.*



Digitized by the Internet Archive  
in 2019 with funding from  
Wellcome Library

<https://archive.org/details/b30779789>



UOD instituti nostri postu-  
 lat ratio, atque hodierna nos  
 jubet Solennitas, id lætâ at-  
 que alacri mente aggredior,  
 quippe quod mihi persuasum habeo,  
 nihil auribus gratius, animisve vestris  
 accommodatius esse posse, quàm *Bene-*  
*merentium* encomia; Illorum præcipuè,  
 qui studiis fortunisque suis, in medicinâ  
 tum excolendâ, tum promovendâ, pru-  
 denter collocatis, utilissima Humani Ge-  
 neris exempla, præclara extitère nostri  
 B ordinis



Ordinis ornamenta. Tali nos genere ortos gratulari liceat; tales ex hoc ipso amicorum coetu, nobis pollicemur non defuturos; Accipite igitur ( S O C I I CHARISSIMI ) quas olim ipsi jure a Posteris poscatis laudes, et prælibate futura ; feri, precor, in coelum evehamini, neq; præmaturum incrementibus indies finem det meritis Deus.

Artem quicumque medicam ritè secum animo perpenderit, clementem eam scilicet atque misericordem, ex ipsis humanæ vitæ calamitatibus ortam, atque in iisdem sublevandis unicè occupatam, illum sanè, augendis hominum utilitatibus et commodis, optimè consuluisse lubens fatebitur, qui primus *Collegium* hoc *Medicorum* instituit ; quicumque verò in hac nostrâ civium frequentia versetur, morborumque undiq; grassan-



graffantium multitudinem animadverterit et vim; qui Nosocomia (christiana illa hujusce urbis ornamenta) penitus inspexerit, opisque noverit quam sint indiga nostræ; is *Linacri* memoriam, optimo jure à Posteris pronuntiabit consecratam, qui nos legum auctoritate muniri, privilegiis donari, in unum confociari voluit, et exinde curavit, ut homines idonei atque integri, medendi provinciam susciperent, salutem civium suorum prospicerent, necessitatibus publicis subvenirent.

At *Linacri* laudes, celebrabuntur illæ quidem, non solum nostris, sed totius Europæ literis atque linguis, cui quippe (cum cæteris sui ævi literatis prorsus Heroibus) acceptam refert, Eruditionem omnem sibi conservatam atque restitutam; linguæ scilicet utriusque peritus, scriptis



scriptis suis aliorum ille industriam excitavit, aliis exprobravit ignaviam; atq; ita cum Græcis Latina conjunxit, ut suâ interpretatione Galenum non illustrâsse solum dicitur, sed fecisse meliorem; medicinam enim artibus magis omnibus unam excoluit; hanc in Monachorum claustris, ceu juncos inter limosos, jacentem repperit, vagientem excepit, sinu suo fovit, Regiæ Majestati commendatam tradidit, hinc liberè educendam, atque omni demùm arte Ægyptiorum erudiendam.

Cum verò incepta omnis institutio, manca plerumque fit, et imperfecta, nisi accedat, quod eam alendo atque augendo sustineat et tueatur; ne his igitur præcedentibus initiis quidpiam deesset, Societatis hujusce tutelam suscepit *Caius*, Præses idem, atq; strenuus  
(fi



(si quis alius) vindex atque conservator. Literis esse apprimè eruditum, atque omni experienciâ medicâ instructum, non illi fatis videbatur ad officii sui munus, decusve sustinendum ; vigilare insuper instituit, instare, Insignibus ornare, famæ consulere, Comitiiis interesse, atque in his Regiminis sui muniis obeundis parentis instar providi atque propitii ætatem contrivit ; nos enim adoptavit, habuit, amavit pro suis, atque in rebus nostris se unicè oblectavit.

Quæ vero de *Caio* nostro recensenda meditatur oratio, ea cum *Linacri* laudibus ita conjuncta reperimus, ut quidquid uni attribuamus, id in alterum mutato videamus nomine transmigrare ; par erat utrique ingenium, par studiorum ratio atque progressus,



pares honorum decurfus, eadem in utrifque Latini fermonis elegantia, eadem in veterum fcriptis five edendis, five transferendis, diligentia, adeo ut in literis inftaurandis, partem haud exiguam jure fibi vendicet Medicina, quæ felix prole fuâ (illâ licet haud numeroſâ) viros peperit, quibus cordi fuit, ut Literaturam jam propè extinctam, ex fati faucibus eriperent, ut Disciplinæ atque Artes veterem illum nitorem fuum refumerent, et redditâ juventute revireſcerent.

Græcis fic fontibus reclusis, omnigenæ eruditionis proventu perfuſus eſt *Literatus Orbis*; ſed ea erat ætatis iſtius prudentia, ut antiqua literarum monumenta excutere maluerit, quam venerari; ea erat induſtria, ut æmulari potius cœperit, quàm ſequi. Ex Galeni ſcriptis



scriptis satis abundeque patebat, quanti esset Anatomia, quàm stabile atque solidum physiologiæ fundamentum, ex *Humani Corporis* visceribus esset eruendum ; plura tamen dolendum erat in hac parte inconsideratè scripta, ab eruditis illis quidem viris, sed non satis instructis, neglecta penitus, atque intacta, multa relinqui, vix quicquam ita exhaustum reperiri, quin ampla adhuc superesset materies, in quâ sese exerceret posterioris ævi diligentia. Et sanè in hac re *Patavio* gratulemur oportet, *Academiæ*, olim in *Medicinâ* florentissimæ, *huic Societati* multis nominibus charæ ; nolite a me commoneri velle, quales quantosque viros huc ex sinu suo transfuderit ; nolite a me resciscere, quantum in hoc ipso Anatomix studio sudaverit ; præclaros potius *Vesalii*, *Eustachii*, *Spigeli*, quos evolvistis labores



labores recolligite, atque recogitando animadvertite, quanta ab illis ad œconomiam animaleam introspiciendam, fenestra patefacta est.

Sentio tamen me in rem incidisse, exemplis non aliunde petendis, sed domesticis pariter refertissimam. Res anatomicæ, dignissimæ semper à majoribus nostris sunt judicatæ, in quibus elaborarent maximè, atque in iis tantum profecisse gloriamur Nostrates, ut vix quicquam habeamus, quod magis in decus et laudem Societatis nostræ redundaverit. Ex quo *Caldwaldus* Prælectiones suas Chirurgicas instituit, ex quo cadavera incidenda jussit *Gulstonus*, quò causæ fedesque morborum melius innotescerent, excitati sunt illico ex hac Societate, homines non socordes, ut defunctorum corporibus animum atque



que oculos adverterent, et cœca regentes cultro vestigia secundæ atque adversæ valetudinis latibula lustrarent, omnia demùm obnixè pertinaci labore atque contentione explorarent, quæ ad partium structuram, usus, morbos, aliquo modo pertinerent.

Atqui jam illa dicere quæ sua industriâ atque sagacitate affecuti sunt, longa esset historia, longæ ambages; sed summa quædam rerum fastigia nequaquam a nobis hoc loco prætereunda.

Erat Hepar inter viscera ut mole, ita momento maximum, nihil illi a veteribus non attributum, atque, ita ut fit, nihil erat in quo magis decepti hallucinabantur; hujus fabricam omnem sibi explorandam suscepit *Glissonius*, distributiones



butiones vasorum exuto Parenchymate detexit, Sanguificationis munus illi detraxit, Bilemque tragico prius more per omnia membra defævientem, intra proprios cancellos, sublato jure nocendi, coercuit.

Glandulas externâ tantum specie, et colôre spermatico notatas, superfluisque (nescio quibus) corporis humiditatibus Spongiæ instar imbibendis destinatas, ad secernendos humores extractas, coarguit *Whartonus*; atque ita salivæ fontes perscrutatus est, ut Doctrina omnis de Secretione Animalis, ex ejus scriptis fluxisse quodammodo videatur.

*Willisius* subtilitate sibi propriâ, cerebri mæandros, arte plusquam humanâ retexit, nervorumque filamenta, mirabili



rabili atque erratico lapsu serpentina investigavit, quæ totos diffusa per artus, terrenam hanc agitant molem, fiuntque nunc Infantiæ, nunc Sapientiæ germina ; felix ille, cui sensus natura indulgit, neque irritabiles nimis, neque hebetes prorsus, atque callofos.

Musculosam Cordis structuram oculis subjecit *Lozverus* ex tam fibrosâ compage glomeratam, ut cuivis pateat intuenti, quanto robore muniri hanc partem voluit natura.

Atqui hæc omnia ab *Harveii* nostri ingenio ita profluentia accepimus, ut delectari ante eum paucissimis, mirari neminem possis, nisi ab illo adjutum, atque instructum ; ex uno suo simplici de *Sanguinis Circuitu* invento, hunc uberem omnem fructûs pulcherrimi retu-



retulimus proventum ; ex hoc, velut ex puncto suo cordis salienti, fufis multiplici propagine hinc inde vasorum ramusculis, *Medicinæ Rationalis* fabricam omnem oriri, in hoc vitam omnem spiritumque contineri videmus. Usque adeo inventæ veritatis ubertate, inquirendæ tædium abundè compensatur.

Ne vero tantorum meritorum lateant fundamenta, liceat fontes ipsos adire, atque exquirere, quibus artibus ad hanc gloriæ summam *Harveius* noster pervenit. Veri appetens, Naturam fidissimam arcanorum suorum interpretem ratus, experimenta sensuum, sibi optima Ratiocinationis fundamenta posuit ; nullum ergo laborem fugit, tempusve remisit, quin se, quin naturam ipsam excruciaverit ; placuit illi præcipuè



præcipuè animalium dissectio, in extis consulendis haruspici felicissimo, quippe qui de se professus est, nunquam animalis cujuspiam inspectionem instituisse, quin aliquid in eo inexpectatum reperisse, de quo vix antea cogitaverat.

Lentis, sed fidis passibus incedens, patiens operis, atque indefessus agendo, arduâ sed certâ ad scientiam tentabat iter viâ; præcipiti enim festinatione infirmari philosophantium vestigia viderat, viroque indignum judicavit, ea fidenter effutire, quæ non satis comperta essent, atque explorata; inde adeo Prælectiones suas, coram hac Societate habitas, atque probatas maximè, nonnum usque premebat in annum, claro indicio, quàm sit assiduus eminentis ingenii comes pudor.

E

Quàm



Quàm incredibilis illi inesset animi vigor atque impetus, ex eo conjectari licet, quod non usitatâ nec tenui ferebatur pennâ, sed sublimia quæque aggressus insolito quodam nisu, in arcanissima naturæ mysteria penetraverit. Per difficilis fanè et per obscura agitabatur quæstio, de *Motu Cordis et Sanguinis*; hanc sibi dilucidandam suscepit, nec quievit, donec causam omnem expediverit, remque ipsam correptam manibus vinclisque tenuerit. Et si illam alteram de *Generatione Animalium* caliginosâ nocte premi voluerit Deus, hoc verè dici possit, neminem prima Fætus incunabula felicius rimatum fuisse, neminem de illis scripsisse melius.

Sed



Sed Loci admonet consuetudo, ut tanti Viri munificentiam, meritis prosequamur laudibus, et pro collatis in nos beneficiis, grates debitas persolvamus ; atque ea quidem lubens fido ordine jam ante recitâssem, atque omnem grati animi voluptatem explevissem, nisi palàm esset, ædes hæc, magnitudine Nominis sui et Famæ magis amplificari, quàm liberalitate fortunarum. Hæ sunt divitiæ, hæ epulæ, hæc est illa Hæreditas, quam nobis fuisse gloriamur ex asse relictam.

Talibus exemplis ornata, tali professorum suorum industriâ exculta, Medicina (temporis filia) elegantius incedere, atque ex rudi et rusticâ, urbana coepit et concinna haberi. Quæ si in nostrâ Britannîâ illustrior emicuit, id  
 loci



loci genio, id tribuendum honoribus, quibus apud nos, utile omne atque decorum præcipuè ornatur. Ubi improbatur ars nostra, ab iis fere bellis atque delicati ingenii homunculis repudiatur, quibus displicuisse honos est; heu! infanientis judicii quantas pœnas luent, dum tales salutis suæ fatellites atque administratos adhibeant, quos nulla unquam ignominia à turpitudine, non metus à periculo, non ratio ab errore revocavit!

Longè vero alia atque his contraria promittit mens atque indoles nutrita faustis hisce sub penetralibus, quæ Viros emisere, omnibus artibus, quæ sunt libero dignæ, perpolitos. Liceat nobis pro more exempla quædam ante oculos ponere, liceat progeniem nostram



nostram in aspectum lucemque proferre.

Et si quis de febribus (periculosæ plenum opus aleæ) dignè scripserit, ea certè *Sydenhamo* nostro concedenda est gloria, qui plura ex ægrorum querelis elicuit, quàm quis alius ex ingenti librorum supellectili deprompserit ; Veterum fanè sive Recentiorum scripta evolveris, neminem invenies ita cautis atque tutis gradibus, per ignes suppositos cineri doloso, incedentem. Ille impigrè prudenterque, ægrotantis, morbique vires pariter attendere, cognoscere quid boni utrisque, quid contra esset, explorare febris itinera atque progressus, insidias antevertere, nihil apud se remissum, nihil apud ægros omissum pati ; hinc in tradendis morborum historiis, characteres cujusque,

F

atque



atque phænomena ita ad vivum expressit, ut sua cuique species, colorque proprius, Lectori pænè sub aspectu subjiciatur. Nullius imperio subditus, non quid huic vel illi placitum cogitavit, sed quod actum erat, exposuit, fidi Historici partes agens, nihil falsi dicere ausus, nihil veri non ausus.

Quid sedula et attenta potuit observatio, nos docuit *Sydenhamus*; a *Rat-elivio* autem discimus, quid promptum atque celere ingenium, quid ab acuto homine fieri possit naturâ usuque sagaci. In hac tantâ obscuritate rerum, in hac nostrâ tam multiplici, tam reconditâ, subtilique arte ita versatus, ut cæteros omnes præiret, Medicorum sui temporis facilè princeps atque tyrannus. De instantibus verissimè judicabat,



dicabat, de futuris tam callidè conjiciebat, ut infirmus quisque sibi diffidens, languentes oculos in hunc unum converteret, qui omnem expediret morbi causam, eventusque secundaret, adeo ut ægri fiducia, et medici auctoritas, in famam ejus junctis viribus conspirarent. Callidum omne atque quæstuosum exosus, non fortunæ, sed hominibus inserviit; pauca, sed necessaria imperavit; neque minimis quibusque inhærens, vultu oculisque compositis, singula sæpè sæpius notans atque introspiciens, scientiæ perspicacioris nomen, nugis captavit. Mores hominum utcunque dissimulatos aut celatos, vimque omnem Humanæ Naturæ, nemo melius detexit intellexitve, nemo tanto cum fale atque libertate notavit. Famâ præter cæteros egregiâ, illis, quos fulgore suo urebat, minùs forsan



forſan acceptus; quos verò præcellenti ingenio extinxit vivus, iis ſopitâ cum morte invidiâ, ſplendorem et dignitatem attulit, quod ipſe ſuſtinuit decus, poſteris facili adimplendum negotio relinquens. Academia ubi enutritus erat, memor uſque diſcipulus, ſubſidia ibidem locavit, ne quid adju- menti ad Artem noſtram ſive prove- hendam ſive ornandam emergentibus ingeniis deeffet; et ne in publicis ope- ribus aggrediendis ſibi diſpar videre- tur, jam cœpta ingenti molimine af- ſurgit Bibliotheca, dignum tanti no- minis Mauſolæum.

Post *Ratclivium* ſimili *Johannes Freindus* emicuit ingenio, Vir naris emunctæ, omnibus ipſe naturæ et do- ctrinæ præſidiis inſtructus, literarum eruditus Judex extitit, neque illis un-  
quam



quam defuit Patronus. In amicitiiis integer atque incorruptus ; quippe quantas ista res commoditates habeat, penitus inspexerat ; nos certè, admonitione non minùs sincerâ quàm crebrâ edocuit, Moenia nostra summâ solum *Sociorum* consensione ferruminari, nec nisi odiis atque diffidiis arietantibus everti posse. Erat in illo erecti animi dignitas, fortitudo par ; multiplex insuper ingenium, ad omnes ferè res aptum atque formatum ; ad quodcunque animum adjunxit, id celeriter arripere atque complecti ; neque illi in politicis etiam rebus, aut consilium aut linguam defuisse, verba summo cum audientium plausu, sæpiùs coram Senatu habita testantur. Neque vero viri, quem colebam maximè, laudibus mihi ita inhærendum arbitror, quin

G

idem



idem meminerim intemperatâ oratione amicorum potius periclitari quàm commendari famam.

Diversis moribus, ingenio haud pari, sed ingenti virtute erat *Richardus Hale*, cujus five opes, five famam respexeris, meritis ipsius abundè suffragantes invenies ; vultum habitumque hominis inexpertus reformidâsses, expertus reveritus fuisses ; in arte enim suâ peritus, in literis eruditus, in vitâ sanctus ; nullius rei simulator aut dissimulator, Principibus placuisse Viris nequaquam præ se tulit ; Spartam verò, quam nactus fuit, ornavit, furentes Maniacorum impetus, non tam vinclis et carcere frænans, quàm apto medicamine sedans, omnemque excutiens animi molestiam. Et nos quidem vita  
in



in his tragoediis occupata, ufusque docuit, quàm preffo pede illius vestigiis inhærere cogimur, licet haud fiat passibus æquis.

Dum verò temporis nostri recordamur memoriam, sentio me in vobis Amicorum quasi recens defunctorum excitâsse desiderium ; non est autem quòd tantarum virtutum interitus, avaritiæ modulo metiamini, credentis, amissæ pecuniæ jacturam, nullo remanentis acervi pondere refarciri possit ; jam incolumes habemus, jam præsentes intuemur, qui in hac quotidianâ nostrâ, assiduâ, urbanâque vitâ, et Sibi, et Ordini nostro splendorem, gratiam, celebritatem conciliant ; inter quos te, *Præses dignissime*, et Nomine et Re eminere, adeò apud omnes in confesso



confesso est, ut dubium fit, utrùm plus hoc laudis habeat, an veritatis.

Neque verò solùm de professoribus nostris nobismet gratulari licet, non solùm præsentis ævi lumina cum gaudio et voluptate undique circumspicere, sed etiam surgentia regna, animo prægestienti contueri possumus; dum Rem Medicam nova quotidie sumere incrementa cernimus, dum Nosocomia non solùm in hac nostrâ Urbe, sed etiam in remotis Civitatibus surgere, vigere, largumque proventum tum Arti nostræ, tum Genti Britannicæ polliceri.

Videre videor, animusque mihi non vano præfagit augurio, per Academias quoque nostras, simili modo infirmorum

rum



rum salutis consultum iri, atque præclarum illud munificentiae genus institutum fore, quo egentes abundant, imbecilles valeant, atque etiam mortui vivant. Ideoque nos præsertim hanc spem lubentius concipimus, quòd in harum alterâ, Rem Botanicam, Magistri peritiissimi curâ enutritam, jamdudum efflorescere, germinare, fructusque uberrimos, tum in Academia, tum Reipublicæ finem, videmus profunderè ; quasi denuò, ut apud sæculum prius, nascentis imperii primordia, in herbarum viribus exquirendis, positum iri voluerit Medicina ; ex hisce inde Sedibus ingenia nobis suppeditari confidimus, eò in usus publicos paratiora, quò illarum præceptis instructa magis atque conformata. Ut enim voto finiatur oratio ; utinam in acade-



miis nostris, ne ulla unquam optimarum Artium desideretur, quæ illis honori esse possit aut præsidio ; huic autem nostræ Societati nihil unquam deficit, quod Medicæ Artis emolumentum quidpiam conferat, aut gloriæ.

*F I N I S.*

